

民國賓川縣志稿

文五

民國賓川縣志稿

文五

趙遜齋先生暨德配李孺人墓文

翰林院編修甘守先撰

先生諱朝選字子俊號遜齋邑增生也其先君鍾瑞公係  
丹崖老先生胞弟配上林公長女遂以東床承祧生子三  
先生行一二季業農先生業儒甫束髮從伯父丹崖老先生  
遊因與堂兄擲罔明經公相山勅贈文林郎公文山孝廉  
公諸昆仲同研肄業蓋伯也而師之兄弟而友之以故家  
學淵源取法皆上兼以性不喜浮功惟務實自幼文體宗  
國初熊劉諸公先昌博大不落小家習王陳帖工書法索

編者遠近播踵弱冠應童子試屢拔前茅及補弟子員試  
輒優等補增癸酉科入棘圍不售遂澹心進取設帳授徒  
賓趙兩邑入其門者二百餘人其中得所成就出入頭地  
者不少蓋為舌耕計幾四十年於茲矣初娶張孺人生子  
璧甫二齡張遂西遊續娶李孺人其時乃祖士林公與兩  
高堂俱皓首蒼顏侍養於上一幼兒呱呱待哺於下兩弟  
又各分居而力弱難支處其間實為扼腕而孺人之佐先  
生仰事俯蓄無不如禮且撫前子如己出課讀耕悉寓慈  
於嚴及其有室抱諸孫備極勤劬諭有子之榮張孺人固

足與先生同光於前論內助之力李孺人亦足與先生同  
裕乎後矣余以丁未孟冬自永昌來攝賓篆得與友石賢  
契樂數晨夕友石為先生猶子因先生榮壽臧請叙於余  
誼忝通家不得不以得之耳目者為先生垂不朽也是為  
叙

前清武畧將軍楊公文所德配段宜人合墓誌

武畧將軍楊公諱文所惠之嫡孫平植之遺腹子也公先  
娶本村段氏生一女贅紹先立嗣生孫映喜因避難在外  
建納竇氏李氏為媳俱無出竟卒於軍幸蒙伊叔本威伊

兄文光迎觀而歸甲戌秋營立碑墓延余為序余與公契  
雅知公素公少時負大志棄文就武弓馬多嫻何難取青  
衿如拾芥奈屢試不利又遭時變遷恐為髮匪所算辭孀  
母別寡妻從戎於文軍門麾下奮勇爭先賞獲七品頂戴  
亦能顯母氏之榮矣然不足見公之奇也節次砍獲首級  
屢立戰功何副將愛為國寶徐督部倚為干城岑撫台親  
為心腹聯陞爵秩藍翎換作花翎業已克服兩逆保全省  
垣當思知己知彼徐圖滅賊摯友或勸之曰量敵後進慮  
勝後會非畏之軍者也公曰豹死留皮人死留名值危存

亡隱忍偷生以遺臭曷若馬革裹屍流芳百世乎遂捐軀  
於嵩明小街子并不計奏請應襲給發卹償之恩公誠國  
爾忘家者烏似公忠天植也勇性成也視死如歸所謂無  
求生以害仁有殺身以成仁非耶余非能文者慕公忠義  
畧述餘行俾他日有誦斯文者感公武畧之風則名存實  
身存也因援筆而為之序不佞復有贊歌曰

舍生而取義兮 令德芬芳  
代養以終身兮 閨闈

肅將 助夫早成功兮 內治賢良  
教子有義方

後裔繁昌

大姚縣訓導趙丹梯先生暨德配王宜人墓銘

楊瓊撰

丹梯先生秉鐸大姚卒於官時其子余友小漢來賀余命  
冠禮在余舍聞訃哭泣星夜犯霜露兼程匍匐扶櫬歸葬  
越三年為營墓誌余適自晉寧學正免官歸里小漢因屬  
為銘幽之穴不可辭乃誌曰

先生姓趙氏諱蔚霄字文漢丹梯其別號也先世江南上  
元縣藉遷滇之賓川州遂世為賓川人祖諱繼蘭字相如  
父諱覃恩馳封修職郎母趙氏馳封孺人先生幼警穎肆



力於學秉性誠篤于庭幃墳蕘間尤難如也早歲入庠食  
饘咸豐丙辰適遭回亂隱之難足山中教授生徒十餘年  
不踐賊土及官軍進討郡賊先生乃歸辦糧佐軍亂平以  
功授五品頂戴己未歲緣資格貢名於朝己卯鄉試又得  
舉副榜戊子授大姚縣訓導至縣敷教三年彼都人士咸  
敦禮讓一變亂後桀驁氣習歲庚寅竟以疾卒寮友及庠  
弟子里巷中之人知與不知者皆銜哀吊賻此可見先生  
誠厚教澤及人之深矣德配玉孺人賦性勤敏有丈夫風  
先生家風貧生齒又繁凡舅姑父母伯叔兄弟姊妹子女

養事葬祭婚嫁慶弔遺問一切悉孺人主之躬操井臼撰  
擋部勒豐如秩如先生不及過問也先生有二子長戴次  
舉俱廩生孫十人長鳳書庠生次一胎三子穎悟非常盜  
質伶俐先生生於道光戊寅卒於光緒庚寅享年七十三  
宜人生道光庚辰年享期頤嗚呼士君子志貞學邃不得  
陟崇秩展經綸鴻敷一世而僅東木鐸列末寮且不克九  
日為之此豈天之必靳於有才者乎抑亦故蓄其報以昌  
其後裔云耳余於先生之身世竊不禁引以自感乃銘曰  
品若巖巍量若海容學若川臻性若風馳雖榮一命未償

厥衷信有豐報亦世其家二子十孫振螯斯螽玉洱之東  
鹿莪之峯馬鬣隆封冥維此翁及此媪幽室之宮

重清馳贈文惠處士王公諱秉立暨恭惠孺人王母

李氏合葬墓誌銘 邑人賜進士王炳神撰

考公先世諱廷輔字鳳翥生三子伯達仲道叔通通生德  
懋德昭公即德懋之子也先世積功累仁或以印綬榮名  
或以布衣終老紳生也晚未經考覈所得而見見聞聞者  
惟文惠王公公諱永立生平敬以待己約以治家中年家  
道豐裕好善樂施教子親師克登黌序而母德母儀大夫

人亦與有力焉夫人系出李氏望族之女與文惠王公戮  
力成家每遇顛連施予不吝均惠人也敢為銘以誌之

銘曰

屏山之麓 淑德挺生 星輝南極 瑞映長庚

溫恭其度 淑慎其型 斯年億萬 壽茲榮名

郡厚彥鄉諡文毅先生烈翁諱昌緒王公淑配待贈

孺人王母楊氏合誌

余自授鐸賓陽時與賓中名士會相得甚歡者不一而足  
然嘯然昆玉尤最余賞其器識不凡因叩其先世積累賓

人士咸謂余曰王氏一脉藉本金陵宦遊鄧賧因愛虎麓  
之奇遂家焉及今廿有餘稔矣代產名人其乃翁承烈先  
生尤援山川之秀美鬣豐軀嚴氣正性嶽嶽具丈夫概生  
平篤學屢薦不第先生知其為命不猶遂怡情詩酒放懷  
高寄雅有淵明北海之致凡蒼洱勝概咸供玩賞其胸次  
磊落如此聖淑配洱西楊氏貞靜幽閑凡中饋諸政相夫  
顯子不減鷄鳴戒旦之風先生見背後未及為者孺人能  
一一為之稱完備焉此又以母道而兼父道者也嗚呼造  
物生人恆餘缺隘是夫是婦豈易覲乎積厚者流光宜其

桂萼雙標蘭孫濟濟衍慶未有艾也浩然嘯然二生適以  
墓誌見囑於余余謂王氏異日發祥方期焚黃墓頂余言  
何足重辭之不獲爰即所聞於人者以為誌然猶恨余生  
也晚未能親炙其盛云

清武德騎都尉趙用之墓表 舉人趙甲南撰

吾趙氏始祖鐸步公自唐天寶間由江南鳳陽流寓於雲  
南大理遂世為大理人洎有明中葉吾族日益蕃衍其本  
支為吾遠祖賜進士出身兩淮鹽運副使瓚公則至今猶  
居縣北之史城即所稱積善邑是也其旁支則分居各縣

歷年既久恒不相聞問然詢其所自大半為鐸公之所  
出賓川控色趙氏亦鐸公之苗裔也予少時聞之熟矣  
顧以道遠未及走謁今年春趙生河以父喪將葬丐余為  
文表其墓予得讀其家傳乃知控色趙氏與吾趙氏派雖  
別而源實同也予愧不文曷足以表揚先德惟既屬同族  
其曷敢固辭謹按狀公諱立賢字用之號敬齋別號小山  
其先居大理之史城後乃遷居於賓川控色數傳至祖考  
德普公任永平順寧二縣教諭考耀公即今所稱玉山先  
生任宜良縣教諭生二子公其長也當前清咸豐丙辰回

亂作玉山公攜家人避難於平川紅山即公於是年生因  
以紅山名之示不忘也居無何回酋馬如龍西犯大肆擄  
掠玉山公聞之復挈眷以行至龍草村遇回酋諸兄遂為  
所脅而去惟公以年幼免然尚未離襁褓賴伯父輝亭公  
常置諸懷抱間以是得更生時回勢甚張不得已又遁而  
之雞山幹供授徒自給然脩脯甚薄不足以贍朝夕公憂  
之因徒步潛返故居負米以歸中途屢為回人所執公以  
實告回感其孝釋之其富於冒險性有如此迨同治壬申  
回亂始平及公歸里而家業已蕩然無遺矣公又以少失



學故乃棄儒而習武經光緒癸未丁學使按臨公果與選  
焉惜七試武闈未之售耳居恆以武術教人故賓邑武學  
中有聲於時者皆公之弟子也及武科既罷而公遂無志  
於進取矣然關於地方公益事則固不辭勞怨而慨然引  
為己任矣如興學辦團禁煙及其他諸要政歷任官吏深  
資倚畀政府迭加褒獎給予一等金色梅花章以旌其功  
近年匪風日熾公嚴為防範匪不得大逞里人德之咸以  
為可保障一方也而不虞遂以疾卒嗚呼惜哉公生於清  
咸豐六年丙辰十一月十一日卒於民國十一年壬戌二